

Izjava visokog predstavnika Paddyja Ashdowna na ceremoniji obilježavanja desete godišnjice masakra u Srebrenici

Mir nije moguć bez pravde

Na današnjoj ceremoniji obilježavanja desete godišnjice masakra nad Bošnjacima u Potočarima, sigurnosnoj zoni Srebrenice koja je bila pod zaštitom Ujedinjenih naroda, Paddy Ashdown, visoki predstavnik za Bosnu i Hercegovinu, je izjavio da je "današnji dan više od svega dan posvećen porodicama koje ukopavaju svoje najmilije: zahvaljujući našim naporima da napravimo spomen obilježje u Potočarima sada postoji mjesto gdje oni to mogu učiniti na dostojanstven način."

"Najvažnije je da mi moramo osigurati da oni koji su odgovorni: Radovan Karadžić i Ratko Mladić, budu dovedeni pred lice pravde u Hague. Na taj način ćemo omogućiti da istina o ovim stravičnim događajima bude utvrđena i priznata. Nakon faze poricanja Srbija sada ide ka fazi priznavanja zločina koji su ovdje počinjeni u njeno ime. Način da se da oprost od kolektivne krivice je da se utvrdi individualna krivica prema zakonu. Ovi zločini su zločini pojedinaca i nakon hapšenja i suđenja tim pojedincima možemo početi da govorimo o tome da koračamo stazom pomirenja".

"Želim pozdraviti prisustvo predsjednika Srbije Borisa Tadića današnjoj ceremoniji, kao i pozdraviti činjenicu da mu je poziv da prisustvuje uputio član Predsjedništva BiH Sulejman Tihić. I poziv i prisustvo su odlika hrabrosti i državničke mudrosti. Srebrenica je bio daleko najveći, ali ne i jedini,

zločin rata u Bosni i Hercegovini. Ako je ovo početak procesa kojim se poštuju sjećanja na ubijene osobe, pa bile one Bošnjaci, Srbi ili Hrvati, onda to predstavlja stvarni napredak za cjelokupni region.”

“Najstrašnji zločin koji se dogodio u Evropi u drugoj polovini dvadesetog vijeka dogodio se upravo ovdje. Neuspjeh svijeta da zaštiti narod ove zemlje i narod u Potočarima posebno predstavlja našu najveću sramotu. Deceniju kasnije, Bosna i Hercegovina se nalazi na pragu zvaničnih pregovora sa Evropskom unijom. Naš dug prema umrlima je da do kraja izvršimo ovaj zadatak ostvarivanja svijetlije budućnosti za ovu zemlju”.